

Na osnovu člana 29., a u skladu s članom 7. Zakona o internoj reviziji institucija Bosne i Hercegovine („Službeni glasnik BiH“, br. 27/08 i 32/12), Centralna harmonizacijska jedinica Ministarstva finansija i trezora Bosne i Hercegovine, donosi

O D L U K U

O KRITERIJIMA ZA USPOSTAVLJANJE JEDINICA INTERNE REVIZIJE U INSTITUCIJAMA BOSNE I HERCEGOVINE (neslužbeni prečišćeni tekst, "Službeni glasnik BiH", br. 49/12 i 69/17)

Član 1.

(Predmet Odluke)

Ovom odlukom Centralna harmonizacijska jedinica Ministarstva finansija i trezora Bosne i Hercegovine (u daljem tekstu: CHJ MFiT BiH) definiše kriterije za uspostavljanje jedinica interne revizije u skladu s članom 7. u organizacijama definisanim u članu 2. stav (2) Zakona o internoj reviziji institucija Bosne i Hercegovine (u daljem tekstu : Zakon).

Član 2.

(Kriteriji za uspostavljanje interne revizije)

(1) Kriteriji za uspostavljanje jedinice interne revizije su:

- a) Ukupan godišnji budžet institucije viši od 10.000.000 KM,
- b) Broj zaposlenih u instituciji viši od 200, ili da je broj zaposlenih viši od 150 ako je institucija organizovana na način da ima više od dva regionalno ustanovljena organizaciona dijela,
- c) Nivo izvršenih transakcija koji, u totalu, premašuje iznos od 15.000.000 KM ili ostvarivanje prihoda od djelatnosti,
- d) Step en rizika koji je uključen, a što u skladu s članom 2. tačka cc) Zakona o finansiranju institucija BiH („Službeni glasnik BiH“, br. 61/04, 49/09, 42/12, 87/12 i 32/13), predstavlja vjerovatnoću dešavanja nekog događaja koji može da utiče na ostvarivanje ciljeva organizacije.

(2) CHJ MFiT BiH će prilikom definisanja strukture interne revizije i utvrđivanja broja izvršilaca interne revizije u institucijama Bosne i Hercegovine primjenjivati kriterije iz stava (1) ovog člana, posebno vodeći računa o primjeni koncepta "value for money" (eng. vrijednost za novac) i koncepta "3E" (ekonomičnost, efikasnost i efektivnost).

Član 3.

(Organizacije koje ispunjavaju kriterije)

Na osnovu ispunjenosti kriterija za uspostavljanje interne revizije definisanih u članu 2. ove odluke, a u smislu odredbi propisanih članom 6. Zakona, te na osnovu podataka iz [Zakona o budžetu institucija BiH i međunarodnih obaveza BiH za 2017. godinu](#) ("Službeni glasnik BiH", br. 94/16), jedinice interne revizije na nivou institucija BiH obavezne su uspostaviti sljedeće institucije i to na način prikazan u Tabelarnom pregledu kako slijedi:

R. br.	Naziv institucije	Budžet 2017. godine	
		Ukupan godišnji budžet	Broj zaposlenih
1.	Ministarstvo odbrane Bosne i Hercegovine	285.689.000	10.011
2.	Ministarstvo vanjskih poslova Bosne i Hercegovine	56.818.000	520
3.	Uprava za indirektno oporezivanje Bosne i Hercegovine	99.970.000	2.458
4.	Granična policija Bosne i Hercegovine	74.080.000	2.371
5.	Državna agencija za istrage i zaštitu SIPA	31.555.000	789
6.	Obavještajno- sigurnosna agencija Bosne i Hercegovine	35.219.000	709
7.	Agencija za identifikacione dokumente, evidenciju i razmjenu podataka Bosne i Hercegovine IDDEEA	31.134.000	167
8.	Direkcija za koordinaciju policijskih tijela*	32.200.000	877
9.	Služba za zajedničke poslove institucija BiH	17.057.000	463
10.	Parlamentarna skupština Bosne i Hercegovine za sljedeće institucije:	30.866.000	490
	<i>Parlamentarnu skupštinu Bosne i Hercegovine</i>	16.041.000	224
	<i>Agenciju za prevenciju korupcije i koordinaciju borbe protiv korupcije</i>	1.355.000	33
	<i>Agenciju za zaštitu ličnih podataka u BiH</i>	1.373.000	27
	<i>Ured za razmatranje žalbi po javnim nabavkama</i>	2.170.000	33
	<i>Centralnu izbornu komisiju Bosne i Hercegovine</i>	3.088.000	71
	<i>Instituciju ombudsmana za ljudska prava</i>	2.409.000	56
	<i>Službeni list Bosne i Hercegovine</i>	4.430.000	46
11.	Ministarstvo pravde Bosne i Hercegovine za sljedeće institucije:	62.798.000	1.170
	<i>Ministarstvo pravde Bosne i Hercegovine</i>	20.288.000	449
	<i>Pravobranilaštvo Bosne i Hercegovine</i>	1.596.000	20
	<i>Jedinicu za implementaciju projekta izgradnje Zavoda za izvršenje sankcija, pritvora i drugih mjera BiH¹</i>	306.000	0
	<i>Visoko sudsko i tužilačko vijeće Bosne i Hercegovine</i>	4.866.000	84
	<i>Sud Bosne i Hercegovine</i>	17.197.000	286
	<i>Tužilaštvo Bosne i Hercegovine</i>	13.102.000	237
	<i>Ustavni sud Bosne i Hercegovine</i>	5.443.000	94
	<i>Zavod za izvršenje krivičnih sankcija, pritvora i drugih mjera Bosne i Hercegovine²</i>	*	*
12.	Ministarstvo civilnih poslova Bosne i Hercegovine za sljedeće institucije:	31.167.000	591
	<i>Ministarstvo civilnih poslova Bosne i Hercegovine</i>	12.077.000	150
	<i>Agenciju za antidoping kontrolu BiH</i>	730.000	9
	<i>Agenciju za lijekove i medicinska sredstva BiH</i>	5.781.000	103
	<i>Agenciju za predškolsko, osnovno i srednje obrazovanje u BiH</i>	1.215.000	27
	<i>Agenciju za rad i zapošljavanje u Bosni i Hercegovini</i>	1.155.000	31

¹ Regulisano Zakonom o osnivanju Zavoda za izvršenje krivičnih sankcija, pritvora i drugih mjera BiH ("Sl. glasnik BiH", br. 24/08, 60/13)

² Regulisano Zakonom o osnivanju Zavoda za izvršenje krivičnih sankcija, pritvora i drugih mjera BiH ("Sl. glasnik BiH", br. 24/08, 60/13)

	<i>Agenciju za razvoj visokog obrazovanja i osiguranje kvaliteta u BiH</i>	1.013.000	22
	<i>Državnu regulatornu agenciju za radijacijsku i nuklearnu sigurnost BiH</i>	1.096.000	19
	<i>Komisiju za očuvanje nacionalnih spomenika</i>	1.432.000	31
	<i>Centar za informisanje i priznavanje dokumenata iz oblasti visokog obrazovanja u BiH</i>	743.000	16
	<i>Centar za uklanjanje mina u Bosni i Hercegovini BHMAC</i>	5.925.000	183
13.	Ministarstvo sigurnosti Bosne i Hercegovine za sljedeće institucije:	25.038.000	534
	<i>Ministarstvo sigurnosti Bosne i Hercegovine</i>	9.121.000	191
	<i>Agenciju za policijsku podršku</i>	1.563.000	38
	<i>Agenciju za forenzička ispitivanja i vještačenja</i>	2.097.000	27
	<i>Agenciju za školovanje i stručno osposobljavanje kadrova</i>	3.684.000	48
	<i>Službu za poslove sa strancima Bosne i Hercegovine</i>	8.573.000	230
14.	Ministarstvo za ljudska prava i izbjeglice Bosne i Hercegovine za sljedeće institucije:	15.074.000	182
	<i>Ministarstvo za ljudska prava i izbjeglice BiH</i>	11.230.000	117
	<i>Institut za nestale osobe Bosne i Hercegovine</i>	3.334.000	52
	<i>Fond za povratak Bosne i Hercegovine</i>	510.000	13
15.	Ministarstvo komunikacija i prometa Bosne i Hercegovine za sljedeće institucije:	25.730.000	306
	<i>Ministarstvo komunikacija i prometa Bosne i Hercegovine</i>	12.789.000	111
	<i>Agenciju za poštanski saobraćaj Bosne i Hercegovine</i>	784.000	12
	<i>Direkciju za civilnu avijaciju Bosne i Hercegovine</i>	4.817.000	57
	<i>Regulatornu agenciju za komunikacije</i>	7.340.000	126
	<i>Regulatorni odbor željeznica BiH³</i>	*	*
16.	Ministarstvo vanjske trgovine i ekonomskih odnosa Bosne i Hercegovine za sljedeće institucije:	31.301.000	641
	<i>Ministarstvo vanjske trgovine i ekonomskih odnosa BiH</i>	7.924.000	186
	<i>Agenciju za sigurnost hrane Bosne i Hercegovine</i>	1.736.000	38
	<i>Agenciju za nadzor nad tržištem Bosne i Hercegovine</i>	827.000	19
	<i>Agenciju za promociju stranih investicija u BiH</i>	1.487.000	30
	<i>Institut za akreditovanje Bosne i Hercegovine</i>	1.198.000	21
	<i>Institut za intelektualno vlasništvo BiH</i>	1.579.000	51
	<i>Institut za metrologiju Bosne i Hercegovine</i>	2.598.000	53
	<i>Institut za standardizaciju Bosne i Hercegovine</i>	1.540.000	40
	<i>Instituciju ombudsmana za zaštitu potrošača u BiH</i>	388.000	8
	<i>Ured za veterinarstvo Bosne i Hercegovine</i>	5.132.000	80
	<i>Ured za harmonizaciju i koordinaciju sistema plaćanja u poljoprivredi i ruralnom razvoju</i>	640.000	15
	<i>Komisiju za koncesije Bosne i Hercegovine</i>	985.000	14
	<i>Konkurencijsko vijeće Bosne i Hercegovine</i>	1.368.000	28
	<i>Upravu Bosne i Hercegovine za zaštitu zdravlja bilja</i>	1.239.000	27
	<i>Vijeće za državnu pomoć Bosne i Hercegovine</i>	507.000	9
	<i>Državnu regulatornu komisiju za električnu energiju</i>	2.153.000	22
17.	Ministarstvo finansija i trezora Bosne i Hercegovine za sljedeće institucije:	37.732.000	784
	<i>Ministarstvo finansija i trezora BiH</i>	8.436.000	173
	<i>Predsjedništvo BiH</i>	8.002.000	122
	<i>Agenciju za državnu službu Bosne i Hercegovine</i>	1.191.000	24

³ Budžet i broj zaposlenih Regulatornog odbora željeznica BiH sadržan je u budžetu Ministarstva komunikacija i prometa BiH.

	<i>Agenciju za javne nabavke Bosne i Hercegovine</i>	1.020.000	24
	<i>Agenciju za osiguranje u Bosni i Hercegovini</i>	525.000	11
	<i>Agenciju za statistiku Bosne i Hercegovine</i>	4.676.000	117
	<i>Arhiv Bosne i Hercegovine</i>	745.000	20
	<i>Generalni sekretarijat Vijeća ministara BiH</i>	3.980.000	75
	<i>Direkciju za evropske integracije</i>	4.000.000	97
	<i>Direkciju za ekonomsko planiranje BiH</i>	1.045.000	25
	<i>Ured koordinatora za reformu javne uprave</i>	1.557.000	37
	<i>Memorijalni centar Srebrenica – Potočari</i>	906.000	24
	<i>Odbor državne službe za žalbe</i>	413.000	7
	<i>Ured za zakonodavstvo</i>	682.000	19
	<i>Centralnu harmonizacijsku jedinicu MFiT BiH</i>	554.000	9
18.	Agencija za pružanje usluga u zračnoj plovidbi Bosne i Hercegovine – BHANSA	51.727.632	441
NAPOMENA:			
<i>- Pod svakim od navedenih rednih brojeva navedena je jedna samostalna jedinica interne revizije, kao i institucije u kojima će ta jedinica vršiti internu reviziju u skladu sa Zakonom i ovom odlukom.</i>			

Član 4.

(Organizacioni status interne revizije)

- (1) U skladu s odredbama člana 2. stav (2), člana 7. stav (2), te člana 11. stav (2) Zakona, preporučuje se da se u organizacionoj strukturi institucija navedenih u članu 3. ove odluke, u cilju osiguranja uslova funkcionalno nezavisne interne revizije, uspostavi jedinica interne revizije direktno vezana za rukovodioca organizacije u organizacionom nivou osnovne organizacione jedinice.
- (2) Rukovodilac interne revizije, u skladu s odredbama člana 2. stav (4) Zakona, ima status pomoćnika rukovodioca organizacije.

Član 5.

(Usklađivanje dokumenata o unutrašnjoj organizaciji)

- (1) Institucije koje su u obavezi da uspostave jedinicu interne revizije, u skladu s članom 3. ove odluke, potrebno je da najkasnije za 180 dana od dana objavljivanja ove odluke u "Službenom glasniku BiH", shodno članu 24. tačka f) Zakona, podnesu zahtjev za pribavljanje saglasnosti CHJ MFiT BiH u vezi s dijelom pravilnika o unutrašnjoj organizaciji koji se odnosi na internu reviziju, te da kroz izmjene i dopune postojećeg pravilnika o unutrašnjoj organizaciji iste usklade sa Zakonom i ovom odlukom.
- (2) Broj izvršilaca u svakoj od jedinica interne revizije biće definisan, od strane CHJ MFiT BiH, u procesu davanja saglasnosti iz stava (1) ovog člana.

Član 6.

(Nadležnost Centralne jedinice interne revizije MFiT BiH)

- (1) Centralna jedinica interne revizije Ministarstva finansija i trezora BiH ima obavezu da, u skladu s članom 6. tačkom c) i u skladu s članom 8. Zakona, vrši funkciju interne revizije u institucijama navedenim pod rednim brojem 17. Tabela pregleda u članu 3. ove odluke, odnosno u sljedećim institucijama:

- *Ministarstvu finansija i trezora BiH,*
- *Agenciji za državnu službu Bosne i Hercegovine,*
- *Agenciji za javne nabavke Bosne i Hercegovine,*
- *Agenciji za osiguranje u Bosni i Hercegovini,*
- *Agenciji za statistiku Bosne i Hercegovine,*
- *Arhivu Bosne i Hercegovine,*
- *Generalnom sekretarijatu Vijeća ministara BiH,*
- *Direkciji za evropske integracije,*
- *Direkciji za ekonomsko planiranje BiH,*
- *Uredu koordinatora za reformu javne uprave,*
- *Memorijalnom centru Srebrenica – Potočari,*
- *Odboru državne službe za žalbe,*
- *Predsjedništvu BiH,*
- *Uredu za zakonodavstvo i u*
- *Centralnoj harmonizacijskoj jedinici MFiT BiH.*

- (2) Interna revizija u institucijama iz prethodnog stava vršiće se na osnovu odobrenih strateških, godišnjih i pojedinačnih revizorskih planova Centralne jedinice interne revizije Ministarstva finansija i trezora BiH, koji se zasnivaju na procjeni rizika i na toj osnovi utvrđenih prioriteta koji osiguravaju efikasno i efektivno korištenje raspoloživih resursa.
- (3) Rukovodilac Centralne jedinice za internu reviziju Ministarstva finansija i trezora BiH će sa rukovodiocem svake od institucija iz stava (1) ovog člana potpisati Povelju interne revizije, koja je usklađena s Poveljom usvojenom i odobrenom od strane CHJ MFiT BiH ("*Službeni glasnik BiH*", broj 82/11).
- (4) Obavljanje interne revizije u institucijama iz stava (1) ovog člana vršiće se na osnovu potpisanog sporazuma o vršenju interne revizije definisanog članom 8. ove odluke.

Član 7.

(Nadležnost jedinica interne revizije uspostavljenih za više institucija)

- (1) Interna revizija u institucijama u kojima se interna revizija uspostavlja u skladu s odredbama člana 6. tačka b) Zakona, a koje su u Tabelarnom pregledu u članu 3. ove odluke navedene od rednog br. 10. do rednog br. 17., vršiće se na osnovu odobrenih strateških, godišnjih i pojedinačnih revizorskih planova koji se zasnivaju na procjeni rizika i na toj osnovi utvrđenih prioriteta koji osiguravaju efikasno i efektivno korištenje raspoloživih resursa.
- (2) Rukovodioci jedinica za internu reviziju navedenih od rednog br. 10. do rednog br. 17. Tabelarnog pregleda iz člana 3. ove odluke treba da s rukovodiocem svake od institucija za koje ta jedinica vrši internu reviziju potpišu Povelju interne revizije, koja je usklađena s Poveljom usvojenom i odobrenom od strane CHJ MFiT BiH ("*Službeni glasnik BiH*", broj 82/11).
- (3) Obavljanje interne revizije u institucijama iz stava (1) ovog člana vršiće se na osnovu potpisanog sporazuma o vršenju interne revizije čiji je sadržaj definisan članom 8. ove odluke.

Član 8.

(Sadržaj sporazuma o vršenju interne revizije)

Sporazum o vršenju interne revizije predstavlja pisani akt kojim se definišu međusobni odnosi između jedinice interne revizije i institucije kojoj se pružaju usluge interne revizije, njihova prava i obaveze, kao i

odgovornost internih revizora i zaposlenih u datoj instituciji, te cilj i način pružanja konsultantskih usluga interne revizije u skladu sa Zakonom i drugim propisima kojima se tretira ova problematika, a posebno s Poveljom interne revizije, Etičkim kodeksom za interne revizore, [standardima interne revizije i priručnikom za internu reviziju odobrenim od CHJ MFIT BiH](#).

Član 9.

(Uspostavljanje interne revizije u javnim preduzećima)

Javna preduzeća, u smislu člana 2. stav (2) Zakona, dužna su se obratiti CHJ MFIT BiH, kako bi se izvršila procjena ispunjenosti uslova i neophodnosti uspostavljanja interne revizije u tim organizacijama.

Član 10.

(Novoosnovane institucije)

Organizacije, u smislu člana 2. stav (2) Zakona, koje u skladu sa zakonskim propisima budu osnovane nakon objavljivanja ove odluke, dužne su dostaviti CHJ MFIT BiH svoj pravilnik o unutrašnjoj organizaciji, shodno članu 24. tačka f) Zakona, radi pribavljanja saglasnosti CHJ MFIT BiH u vezi sa definisanjem načina vršenja interne revizije u ovim institucijama.

Član 11.

(Ured za reviziju institucija BiH)

Ured za reviziju institucija BiH će, u cilju poštovanja nezavisnosti definisane članom 4. Zakona o reviziji institucija BiH ("*Službeni glasnik BiH*", broj 12/06) i uspostavljenog sistema kontrole kvaliteta iz člana 2. istog zakona, samostalno ocijeniti postojanje potrebe da, u skladu s međunarodnim standardima i praksama, uspostavi internu reviziju.

Član 12.

(Stupanje na snagu)

- (1) Ova odluka stupa na snagu osmog dana od dana objavljivanja u "Službenom glasniku BiH".
- (2) Ova odluka bit će objavljena i na veb stranici Centralne harmonizacijske jedinice Ministarstva finansija i trezora BiH: www.mft.gov.ba.

Broj: 02-1-02-4-362-1/17
Sarajevo, 04.09.2017. godine

Direktor
Centralne harmonizacijske jedinice
Ministarstva finansija i trezora BiH
Ranko Šakota, s.r.